


觀城縣志

50.103

32

部 = 103



觀城縣志序



觀城故無志無可志也而不可以無志也何言之
觀於夏爲國其封典版圖邈乎不可考矣周爲衛
地則亦康叔之境邊隅聚落耳其後屬東郡屬清
河以暨入澶入濮迄今猶葦爾一附庸也星野山
川皆分見於大郡卽古蹟人物亦載在鄰封邑乘
中觀苟志乎然儼然縣邑矣其地僻而幅隘其土
瘠而賦重夫僻可爲也而瘠則難爲幅隘可居也
而賦重則難居以故荒村窮簷貧民如寄徃輟歲
熟乃始安之或值中歉均役則仄足欲爲獸散分
土分民若此遂儼然縣矣上之無由徑達

觀城縣志

序

內庭與邀格外蠲省之仁次之無以詔示來者使知加

意愛養之方儲凡例比他縣悉率敝賦以供徵求
觀之爲觀也餘幾矣是則不可以無志者也明萬
曆十七年榮陽喬令乃剏志書喬之言曰載述無
墮幸免於史遷之所謂罪其在斯乎而貧瘠之形
瞭若拊掌蓄患之踪澹焉悚目意固不顯載述也
余視事之始雖思續纂而流亡未復文獻難徵但

繪鄭俠之圖而缺史遷之紀則余曷敢茲歲奉

直省郡縣纂輯志書送翰林院彙修一統志是夏禹
貢周職方再見之日也觀邑雖小亦得附著典籍
矣急蒐喬志僅得之於王生裔琦家藏不啻竹書
禹碑絕無僅有此外又無可撫拾者爰諮爰訪幸
有張生梧之文明經淑宸筆記萬曆十七年以後
人物事蹟遂借司訓劉公士聰鄧翁駕範張孝廉
洞宸等續集訂正分野建革諸紀一仍其故不敢
以群書末議改舊聞也禮制藝文諸紀稍汰其繁

觀城縣志

二

不致以文離附贅潤實錄也在昔賦稅之數委勘
之文會照校而備存之在後孝義之士貞烈之媛
皆贊揚而亟表之凡以因革勸戒政治模楷余莫
敢忽遺爾雖迫於檄限未獲該詳而體要旣立庶
幾可備考嚴於乎昔唐宣宗命學士韋澳集天下
風土利弊爲一書置之座右名爲處分語則古今
修志之義蓋可知也使葺爾邑乘得附全書一邀
省覽隨宜處分觀民其有慶乎卽後之君子載閱而
加之意存卹陳請以補前人所未逮是於上下均

無負也余又何以文爲

康熙十一年歲次壬子十月吉文林卽知觀城縣
事加一級貳進沈璣書

新修觀城縣志申文

山東東昌府濮州觀城縣爲遵

諭條奏事蒙

本府批該本縣申詳蒙

布政司劄付蒙

巡撫部院張 案驗前事本年閏七月初七日准

禮部咨儀制清吏司案呈奉本部送禮科抄出該

本部題 覆少師兼太子太師戶部尚書保和殿

太學士加二級衛 奏前事等因康熙十一年七

觀城縣志 申文

月初一日奏本月初六日奉

旨這應進講書籍知道了餘着該部議奏欽此欽遵於

七月十一日到部除各部事宜應聽各該部議覆

外該臣等議得保和殿大學士衛周祚疏稱各省

通志宜修如天下山川形勢戶口丁徭地畝錢糧

風俗人物疆圉險要宜彙集成帙名曰通志誠一

代之文獻也迄今各省尚未編修甚屬缺典何以

裴我

皇上興隆盛治乎除河南陝西已經前撫臣賈漢復集

修進呈外請

勅下直省各督撫聘集夙儒各覽接古續今纂輯成書
到部之日送翰林院彙爲

大清一統志等因前來查直隸各省通志請

勅下各該督撫詳查山川形勢戶口丁徭地畝錢糧風
俗人物疆圉險要照河南陝西通志款式纂輯成
書到部之日送翰林院彙爲

大清一統志恭進

奉覽可也等因康熙十一年七月二十四日題本月二

觀城縣志

二

十七日奉

旨依議欽此欽遵抄部送司奉此相應移咨案呈到部
擬合就行爲此合咨前去煩爲查照本部覆奉

旨內事理欽遵施行等因到院案行到司劄仰到府備
帖下縣蒙此該本縣知縣仍帶州一級沈璣遵查
得觀邑叢壤偏隅自昔從無縣志凡所有山川形
勢人物事蹟皆附見於鄰封郡邑迨明季萬曆十
七年知縣喬崑始創修志書嗣又屢經兵燹版籍
俱廢甲職因無考據未能刻期成書業經詳蒙寬

限在案但事關

大興不敢少怠隨竭蹶蒐求有生員王裔琦檢呈舊志斷編萬曆十七年以前著載稍堪徵信一查有己故貢生張淑宸手紀萬曆十七年以後官向人物雖詳條可管稽覈爰與儒學訓導劉士聰會同詳核得據步據纂輯成秩但未經詳請核示不敢漫行刊布謹將曆本先呈
憲閱仰候裁定批發庶便遵行刊報為此今將前由理合具申伏乞

觀城縣志 卷中 文

三

照詳施行等因奉

本府知府加一級朱 批該縣既無舊誌可考今處求於賦良爲苦心矣仰速刊刻刷送以完大典但別款原無可據而賦役一項須與全書相對再加磨勘不致舛錯可也繳

康熙十一年拾月

日

凡例

一志亦史也所以覈古今垂鑒戒也觀舊志燬于兵燹茲惟採殘編廣蒐訪彙而成書若另出體裁深裨政教則以俟後之君子

一志体倣朱子綱目例有大書以紀其槩有分注以盡其詳考志者以綱目求之則大義燦如魯列矣

一凡志皆冠之以小序者明厥旨也亦有發明于紀末者詳所未盡也且或僭致規勗亦屬望同

觀城縣志 凡例

志之殷歟

一官師政績顯著者必述而表彰之而見任不卽書嫌自譽也苟嘉猷丕著則後之述今亦猶今之述前矣

一民賦詳及徭役戶口繁而不殺不類紀事之體者將使家喻戶曉而舞文者無所容其奸也
一藝文必有關政教方敢載入若徒炫才華及習忌諱者則寧逸之

一自復有飛白書者蓋前云綱目以正例言也而

目之中又有附言者則以飛白別之辭叙例也
一全志列爲五卷曰方輿曰版籍曰官師曰人物
曰藝文綱目有條紀載攸叙且于卷末秩之一
論以結之其要以本末始終之全而便觀覽云

卷首

疆域圖

縣治圖

學校圖

方輿卷一

分野

建革

疆域

山川 古蹟橋梁井泉附

形勝 八景舊蹟附

城池 街市舖舍附

公署

學校 社學附

觀城縣志 目錄

祠壇 廟宇寺觀附

陵墓

風俗 時序鄉約附

版籍卷二

戶口 保屯集村附

田賦 學田附

稅課

土產

官師卷三

縣牧

學職

名宦

鄉賢

禮制

祀典賓興海飲
惠政刑法附

人物卷四

科第 歲貢恩選何 孝子 隱德義民良民附

忠臣 儒臣烈士附 節婦


流寓

藝文卷五


王言 碑記

辨誤 申勸


觀城縣志 卷五 錄



真武廟



學校圖



觀城縣志卷之一

方輿志

稽古大禹敷土析野以別九州所以辯區域而肇治績也今之志倣焉故首方輿志

分野

在天成象在地成形本一氣相屬也而按星土察災祥寧繫方隅哉觀古衛地輿考天文紀載詳矣惟仰觀者察焉

輿地考曰兗州在營室衛分野今臨邑濮陽之西北觀城縣志卷之一

境濟陽之西北境博平之西南境皆是也

唐天文志曰營室東壁陬訾也初危十三度餘二千九百二十六秒一太中營室十二度終奎一度

禹貢兗州之域天文屬危室分野

夫衛為兗州域舉其全也濮特帝丘之衛耳其地為濟陽西北境而觀又濮之西北境然則濮之分野標言之為營室析言之屬角亢而觀可知已

沿革

三代建國胙土傳之無窮自秦置郡邑興廢靡常非曩前聞後局稽焉觀自夏迄今建置沿革

可致而知也生斯者懷舊俗吏斯者憲掌故於
古今之變奚患無徵哉

禹貢職方皆兗州之域

夏為觀國帝啟子太康第五弟所封見國語又云少康所封邑

周為衛地後名觀津戰國為趙魏地

秦屬東郡今東昌府

漢屬清河郡即今恩縣新莽改畔觀縣莽慕漢惡觀民不附故名

東漢更名衛國縣以封周後

晉屬頓丘郡今清豐縣

觀城縣志 卷之一

魏新置臨黃縣

北齊省

隋開皇中改置觀城縣屬武陽郡今大名府

唐屬澶州即今開州貞觀十七年省入昌樂臨黃大曆七

年復置觀城縣屬魏州即大名府魏博節度使田承嗣

表入河北道

石晉廢臨黃改入觀城隸澶州

宋省入濮州後陸澶州為開德府復置觀城縣隸之

金屬開州

元屬濮州

明因之為山東東昌府西鄙邑

國朝仍舊制

疆域

古者建國邑先正疆界防侵越也况遐邇險易
于是乎稽觀固小邑然隸濮州而介范朝豐樂
之間則紀疆域者宜慎矣

編戶十里 五保 東西廣二十三里 南北袤三十
里

觀城縣志

卷之一

三

東至范縣界 櫻桃園二十里

東南至濮州界 馬陵十三里

南至濮州界 古城店二十里

西南至清豐縣界 四角池二十五里

西至清豐縣界 孟秋村三里

西北至南樂縣界 高平村七里

北至南樂縣界 大張村十里

東北至朝城縣界 孩疋店二十里

東北抵